

Hibernię II Tab. in qua Vltonia, Cōnacia, Media, & pars Lagenię.

VLTONIA.

HIBERNIA in genere descripta; antequam ad specialio rem singularum partium delineationem me accingam, operæ precium putavi primum, distributionem ejus proponere. Hibernia in quinque partes seu Provincias dividitur. In *Lageniam* quæ ad Orientem est Angliæ proxima: *Connaciam* vel *Connachtiam* quæ ad Occidentem vergit: *Ultoniam* in Septentrionali parte: & *Momoniam*, in Australi plaga sitâ. Quinta pars *Media* appellatur, quæ medio loco sita a cæteris clauditur. In hisce quinque Provinciis alia quædâ notabilia territoria ponuntur, ut in *Lagenia* includuntur *Fingalia*, *Offalia*, *Leisia*, *Ossiria* & *Ormundia*. In *Media* reponuntur *Slania*, *Fouria*, & *Delumia*. In *Comania* comprehenditur *Claria*; In *Ultonia* continetur *Urilis*, *Antrimenia*, *Lecalia*, ac *Treconclia*: In *Momoniam* concluduntur *Trippetaria*, *Keria*, *Cosmaia*, *Desmondia*, *Tomondia*, nonnullaque alia. Est & alia Hiberniæ partitio quam in Tabula generali etiam attigimus: hæc magna cum cura & diligentia est consideranda, si quis hujus terræ statum cognitum, ac perspectum habere aveat. Quare observare diligenter oportebit, Hiberniam in duas partes distributam esse, in Anglicam & Hibernicam. Hæc Germani & genuini Hiberni, illam Anglorum progenies incolit: eaque portio, plebeio sermone, Anglica Provincia nominatur, quod sit Anglorum territorii, quasi Palis & Septis circumflecta. Etenim posteaquam Angli Dermicum, exactum Regem, Hibernicis hostibus, armis castrisque oppressis, in patriam atq; adeo in Regnum restituerunt: Angli victores sedem stabilem & domicilia certa, in locis Hiberniæ locis habuerunt: deinde cum inter se & domitos Hibernos, quædam quasi Insulæ divortia fecissent, illam partem, in qua coloniam collocarunt, Anglicam Provinciam appellaverunt. Hac major Lageniæ & Mediæ pars, ac ea Vltoniæ portio, quæ Vri- lia dicitur, continetur, sed præcipua Lageniæ particula, quæ Fingalia vocatur, Dublinio, ad Aquilonarem plagam, finitima, primas tenet; Media secundas. Mercator autem partes priore distributione a nobis positas, quatuor tabulis luculenter exhibet, ab Vltonia, Connacia, Media & parte Lageniæ factio initio. Harum omnium partium, quo ordine ab Authore nostro ponuntur, delineationem, quam potero fidelissime, proponam. Offert se primo loco Vltonia. Pars hæc Hiberniæ prima Latine *Vltonia* dicitur, Anglis *Ulster*, Hibernicis *Cui Gully*, id est, Provincia *Gully*, Britannis *Wlth*. Protenditur ad mare Hyperboreum, & hinc *Buinda* a Media, illinc *Erno* Lacu & *Bannio* fluvio a Connacia dirimitur. Regio ampla, alicubi ferax, alicubi macra, viriditate tamen ad aspectum ubique jucunda, & pecoribus refertissima. Ioannes Curtius primus Anglorum hanc regionem aggressus est, & Duno, Armachaque expugnatis, universam aut bello, aut deditioe complexus est, primusque Vltoniæ Comes est dictus, sed cum illi res prospere gestæ ita invidiam conflassent, ut ex suis virtutibus, aliorumque vitis in exilium ageretur: *Hugo Lacy* qui illum bello persequabatur, datus erat a Rege Ioanne successor. Hujus unicam filiam Gualterus de *Burgo* Dominus Connaciæ uxorem duxit, & uxorio jure creat⁹ est Vltoniæ Comes, & permansitque ille honor in *Richardo* filio, & *Gulielmo* Muto hujus Ioannis filio ex *Elizabetha* Clara

Regio.
Nomina.
Situs.
Soli qualitas.
Imperium.